

Maxime Reverendo, Amplissimo ac Excellentissimo

DN. JOH. CHRISTFRIED
SAGITTARIO, x 2047586

SS. Theologiæ Doctori, Ecclesiarum Ducatus Altenburgensis Superintendenti Generali, Concionatori Aulico primario & Hagio-Synedrii Assessori

Neptem ex filia dilectissimam

REGINAM MARIĀ,

VIRI

Præ-Nobilissimi, Excellentissimi atq; Experientissimi

DN. JOH. ARNOLDI FRIDERICI,

Philos. & Medic. Doctoris, Anatom. Chirurg. & Botan. in Illustr. Salana Prof. Publ. & Medici Provincialis Saxo-Altenburgici b. m.

Filiam unicam,

VIRO

Nobilissimo, Amplissimo atq; Excellentissimo

DN. SALOMONI AUGUSTO CLAUDERO,

J. U. Licentiato & Caufarum Patrono felic.

IV. Non. Nov. A. C. ob hoc LXXXVI.

ex voto elocanti

Pietatem suam testari voluit, debuit

filii

M. Paulus Martinus Sagittarius, Eccl. & Confist. Ass.

ALTENBURGI,
Chalcographæ G. Richteri, Typogr. Duc.





Nnum vitæ *septuagesimum* septimo & vicefimo Septembris die votis, gaudio & gratulatione tuorum es ingressus; egressus vero nudius tertius annum Ephoriæ Altenburgensis administratæ *trigesimum*, quem nullus duodecim Antecessorum attingit. Si memori beneficia recolis mente, quæ tot annorum decursu divina manus largo tibi munere contulit, cum Jacobo Patriarcha grato fateberis ore: *Minor sum, Domine, omnibus tuis miseratonibus*. Multa tibi *puero* utroq; Parente quarto ætatis anno orbatō beneficia benignum Numen concessit: plura præ septenario fratrum sororumve numero tribuit *juveni* ab omnibus studiorum præfidiis destituto: plurima dedit *viro* ab infima dignitatum Ecclesiasticarum scala ad supremam hoc in Ducatu, sic jubente Serenissimo Patriæ Patre, FRIDERICO WILHELMO II. felic. recordationis, non sine suspiriis ascendenti. Nec minor numero extiterunt, quæ *seni* voluit impertire. Exonerem beneficiorum seriem, si per te liceret, nec ego satius fore ducere, eorum numerum privatos intra parietes tecum inire. A me tamen vix ac ne vix quidem impetrare possum, quin unius alteriusve beneficii mentionem injiciam, quod in te *senem* collocatum. Ex conjugē *Anna Maria Reinelia*, cum qua quatuor & quadraginta annos suaviter transegisti, *undecim* suscepisti *liberos*; *quatuor* cœlestibus dicasti nuptiis, terrenis reliquos. Ex his *nepotes neptesq; triginta* vidisti: dimidium oculis & amplexibus tuis jactum est sublatum, dimidium alterum *Coronæ* instar te cingit. Non aberravero, quod nepotes neptesq; *coronæ* nomine appellaverim; Hoc siquidem nomine splendor ille sapientiæ & unica illa regni Israëlitiçi gloria Salomon in Ethicis Christianis c. XVII. 6. nepotes neptesq; dignatur. Sicut corona capiti totiq; corpori egregium conciliat decus, & coronati animum gaudio reddit delibutum: ita nepotum neptumq; corona *Avi* caput cingens non potest non decus & lætitiā ei adferre. Eo respexere interpretes Syrus & Chaldaus, nec non Vatablus, quorum iste vocabulo *laudis*, ille *pulchritudinis*, hic *ornamenti* Ebraicam vocem reddiderunt. Totus in lætitiā effunditur *avus*, si nepotes neptesq; oculis suis sistit; sperat namqve in illis se fore immortalem, suiqve memoriā ad secutura secula iri propagatum. Multum sane lætitiæ allatum tibi, nec parum lacrymarum simul fuisse excitatum, quoties tua nepotum neptumq; corona te circumdedit, nondum excidit memoria. Licet enim non videris 45. nepotes neptesq;, ut *Jacobus Rudinus & Pe-*

rus Meier, Consul Episcopopolitanus, aut iox. quod
Wolffango Schotterlino, Civitatis Argentoratensis Ma-
gistro spectare contigit; tuæ tamen lætitiæ nihil quic-
quam inde decessit, quin potius cum nepotum neptum-
que incremento annua cepit incrementa, teq; in aurem
monuit, ut reliquis beneficiis divinis & hoc, videre libe-
ros & quinafuntur ab illis, gratus apponeres; appo-
suisti etiam additis debitis gratiis. Cum ergo idem
beneficium, quod Isaacus, Jacobus, Josephus, Tobias
aliiq; pii, à Deo senex obtinueris, quid verat, quo minus
regi vatis verba Pf. CXXVIII. 4. s. 6. de te adhibeam: *Sic
beneficiis cumulabitur vir. qui coluerit Jehovam: bene-
fecit tibi Jehova ex Sion & vides natos natorum.* Huic
beneficio aliud adhuc nunc adjicit Deus, quod mille vo-
tis expetiisti, dum majori ex neptum corona *Reginæ Ma-
riæ Fridericiæ* de marito optimo prospicere nuptiasq; illi
parare tibi datur. Magnum est, fateor, Dei beneficium,
nec minus apud te gaudium: majus tamen foret & be-
neficium & gaudium, si ipsis parentibus facem nuptiis fi-
liæ oculissimæ accendere per præmaturam mortem li-
cuisset. Ast, num beneficium divinum ea propter in vili-
ori pretio, aut gaudium diminutum habebis? Non ha-
bebis. Cognitus mihi perspectusq; tuus est animus
in mediis etiam turbis præsens & mala, si quæ advene-
re (advenerunt autem plurima) in forulos beneficio-
rum divinatorum conjiciens. Eripuit Deus *nepti patrem*
florentissimæ ætatis, ut patri Senex succederes: eripuit
ipsi *matrem* ejusdem cum conjugæ ætatis, ut matri avia
præter votum & naturæ ordinem surrogaretur. Uti
in quavis cura Genero & filia: ita in apparandarum nup-
tiarum cura utriq; successisti. Gaude de hac cura;
curas enim nuptias neptis à primo vitæ limine tibi
dilectissima: Gaude de nuptiis neptis; nuptum siqui-
dem das Sponso, cujus *Parens*, quoad viveret, vete-
rem eamq; infucatam amicitiam tecum sanctissimè
coluit: traxis Sponso, cujus *Patruus* Genero tuo *Fri-
derico* fide Theseja junctus & comes studiorum ac iti-
neris extitit fidissimus: concedis Sponso, qui primus
gentis suæ *supremos in Jure honores* à Salano JCo-
rum Senatu retulit, novumq; decus familiæ suæ in-
tulit. Princeps Facultatum *Theologia* ex domo Clau-
deria *Jacobum*, Ephorum Delitianum, sibi selegerat,
Medicina, naturæ famula, *Josephum* & *Gabrielem*,
Archiatros Altenburgenses, *Christianum Ernestum*,
Physicum Cycneum, & *Fridericum Wilhelmum*, ope-
ram Medicam patriæ conferentem, svavi connubio
sibi sociaverat. Sola *Jurisprudentia* alumnum ex
profapia Clauderia desiderabat, quem divini humani-
q; juris scientia imbueret, cui virtutis præmium de-
cerneret: in Sponso invenit desideratum & eodem
brabeo, quo Theologia & Medicina quinq; *Clauderis*,
&

FK
Lau
5325

& sextum ornate voluit. Ingens familia *Schræteria* de Salana meritiſſimæ est ornamentum, quod *quing. Doctores*, duos Medicinæ & tres Juris numeret. Singulare *Gerhardorum* cenſetur decus, quod totidem recenſeat Doctores, *tres* Theologos & *duos* Jurisperitos. *Piſtoris* cedithonori, quod *ſeptem* Doctōris titulo decorati ferantur, *tres* à Galeno, & *quatuor* à Juſtiniano. Inter prima gens antiqva *Færſeria* meritis erga Seren. Domum Saxoniam maximè conſpicua reponat, quod ex ea tanqvam ex e quo Trojano *undecim* prodierint, quos alma Themis juſtis honorum præmiis maſtavit, exemplo profecto rariffimo. In quavista men harum familiarum quidpiam deſiderabis: *Schræteria* & *Piſtoria* deest Theologus, *Gerhardina* Medicus, & *Færſeria* Theologus & Medicus. *Claudio* autem generi nec Theologus, nec Jctus, nec Medicus deest; & quod haſtenus ipſi deſuit, Sponſus honore novo nunc ſupplevit. Gaude proinde de nuptiis neptis exoptatis: gaude de inſigni beneficio divino, quod *Septuagenarius* experiris. De *Machire*, Manaſſis filio, reſert naſcentis mundi Hiſtoricus Moſes Gen. L. 24. quod ſuper *Joſephi* avi genua genuerit liberos. Faxit Deus benignus, ut *Regina Maria*, *Anna Magdalena* filia, latus *Claudio* claudens, te vivo & ſuperſtite procreet liberos, & ſicuti *avum*, ita quoq; te *proavum* faciat! Sic novo in ſenio tuo beneficio afficeris, tuosq; *in tertiam uſq; generationem videbis*, quod ipſum Judæi ſibi invicem apprecabantur. Quod ſupere ſt, venerande Parens, votorum meorum ſummam paterno accipe affectu. Deus omnium beneficiorum autor nepti *Claudio* adlateratæ conjugium concedat felix benedictione cœleſti, ſanctum caſtitate, beatum ſobole, jucundum concordia & opibus florens; Tibi vero vitæ uſuram ad ſummum à Moſe præfixum terminum & ulterius adhuc extendat, ſufficiat animo corporiq; vires laboribus tuis pates, & ſenectam largiatur vegetam atq; tranquillam, quo Eccleſiæ, pauperibus, conjugii, nobis diu præſis, & neptem, quæ *Fridericiam* proximè excipit, teque tenerrimo amore complectitur, honeſto matrimonio elocata videas, lætusq; in ædem ſacram deducas: Ita cumulo beneficiorum divinorum perſuſus non in memoriam ſolum ea revocabis, ſed & cum Davide gratus exclamabis: *Quid Domino pro omnibus, quæ mihi meisq; tribuit, retribuam?* & cum Damasceno I. IV. de orth. fide c. 4. *Euge, ò Chriſte, Dei verbum, & ſapientia, & virtus, & Deus omnipotens, quid tibi pro his omnibus egenus ego retribuam? Tua enim omnia.* Plura non addo. Bene vale & nuptias neptis auſpicatas precibus, voto, hilariq; animo auſpicare, tranſige, ſini.



F.R. III 16

VIRO

Maxime Reverendo, Amplissimo ac Excellentissimo

Za 5335

DN. JOH. CHRISTFRIED SAGITTARIO, x 2047586

SS. Theologiae Doctor, Facultatis Praesens, Praedicator Altemburgensis Superintendens primarius, Praeceptoris Aulici

Neptem

REGINA MARIA,

Prae-Nobilissimi

DN. JOH. ARDIERICI,

Philos. & Medic. in Illustr. Salanae, & Botan. Princialis

Nobilissimo, Antiquissimo

DN. SALCISTO AUGUSTINO,

J. U. Licentia

IV. Non. Novemb. MDCXXXVI.

Pietatis

M. Paulus Martinus Confist. Aff.

Chalcographo G. Richteri, Typogr. Duc.

